



Na osnovu odredaba Zakona o visokom obrazovanju (“Službene novine Kantona Sarajevo”, br.: 36/22 i 28/25), odredaba Uputa Senata Univerziteta u Sarajevu o realizaciji izbora u isto ili više akademsko zvanje na Univerzitetu u Sarajevu u skladu sa uslovima propisanim ranijim Zakonom broj: 01-15-29/23 od 27.09.2023. godine, Prijedloga odluke Vijeća Fakulteta broj: 02-16-246-2/26 od 10.03.2026. godine, Odluke Senata Univerziteta u Sarajevu o davanju saglasnosti na raspisivanje konkursa za izbor akademskog osoblja broj: 01-7-104/26 od 25.03.2026. godine i Odluke dekana Fakulteta o raspisivanju javnog konkursa broj: 02-16-246-4/26 od 01.04.2026. godine, raspisuje se

K O N K U R S **ZA IZBOR AKADEMSKOG OSOBLJA**

Oblast Preventivne mjere u animalnoj proizvodnji - nastavnik u zvanju vanrednog/e profesora/ice - 1 izvršilac, puno radno vrijeme

Poštivajući član 176. st. (1) i (2) Zakona o visokom obrazovanju (“Službene novine Kantona Sarajevo”, br.: 36/22 i 28/25) kandidati za izbor u naučnonastavno zvanje *vanredni profesor* treba da ispunjavaju uvjete iz člana 96. Zakona o visokom obrazovanju (“Službene novine Kantona Sarajevo“, br.: 33/17, 35/20, 40/20 i 39/21). U slučaju kad se kandidati na konkurs prijavljuju prije isteka perioda na koji su birani moraju ispunjavati uvjete navedene i u članu 115. Zakona o visokom obrazovanju (“Službene novine Kantona Sarajevo“, br.: 33/17, 35/20, 40/20 i 39/21).

MINIMALNI UVJETI ZA IZBOR:

VANREDNI PROFESOR: proveden najmanje jedan izborni period u zvanju docenta, najmanje pet naučnih radova objavljenih u priznatim publikacijama koje se nalaze u relevantnim naučnim bazama podataka, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje jednog kandidata za stepen drugog ciklusa studija odnosno integrisanog ciklusa studija.

Uslovi za izbor po članu 112. Zakona o visokom obrazovanju („Službene novine Kantona Sarajevo“, br.: 36/22 i 28/25)

VANREDNI PROFESOR: proveden najmanje jedan izborni period u zvanju docenta, minimalno pet naučnih radova objavljenih u priznatim publikacijama nakon izbora u zvanje docenta, od čega su dva naučna rada objavljena u publikacijama indeksiranim u relevantnim naučnim bazama, objavljena knjiga, originalni stručni uspjeh kao što je projekt, patent ili originalni metod te uspješno mentorstvo najmanje dva kandidata za stepen drugog ciklusa/integriranog studija odnosno ekvivalenta.

Kandidati su obavezani u prijavi naznačiti da li se na Konkurs prijavljuju u skladu sa odredbama Zakona o visokom obrazovanju („Službene novine Kantona Sarajevo“ br.: 36/22 i 28/25) ili u skladu sa odredbama Zakona o visokom obrazovanju („Službene novine Kantona Sarajevo“ br.: 33/17, 35/20, 40/20 i 39/21), a shodno odredbi člana 176. Zakona o visokom obrazovanju iz 2022. godine.

Uz svojeručno potpisanu prijavu kandidati trebaju da prilože dokaze o ispunjavanju uvjeta za izbor kako slijedi:

1. biografiju (CV), spisak objavljenih naučnih radova i spisak projekata;
2. ovjerene kopije diploma i druge dokumentacije o stečenom obrazovanju ne starije od šest mjeseci;

Adresa: Veterinarski fakultet Veterinary faculty
Address: Zmaja od Bosne 90 Zmaja od Bosne 90
71 000 Sarajevo 71 000 Sarajevo
Bosna i Hercegovina Bosnia and Herzegovina

Tel: ++ 387 (0)33 729100
Fax: ++ 387 (0)33 617850
E-mail: info@vfs.unsa.ba
Web: www.vfs.unsa.ba



3. listu objavljenih knjiga, udžbenika, naučnih radova, kao i same knjige i radove;
4. kandidati za izbor u naučnonastavno zvanje vanredni profesor prilažu potvrdu o provedenom najmanje jednom izbornom periodu u prethodnom zvanju odnosno potvrdu da su proveli u nastavi najmanje tri godine nakon posljednjeg izbora u slučaju da se radi o kandidatima koji ispunjavaju uvijete za izbor u više zvanje prije isteka roka na koji su birani (orginal ili ovjerena kopija);
5. dokazi propisani članom 115. stav (4) Zakona o visokom obrazovanju iz 2017. godine u slučaju da se radi o kandidatima koji ispunjavaju uslove za izbor u više zvanje prije isteka roka na koji su birani, a shodno članu 176. st. (1) i (2) Zakona o visokom obrazovanju („Službene novine Kantona Sarajevo”, br.: 36/22 i 28/25);
6. dokaz – potvrda o uspješno obavljenom mentorstvu za izbor u zvanje (orginal ili ovjerena kopija);
7. dokaz o supstituciji objavljene knjige i/ili mentorstva u slučaju da kandidat iz objektivnih razloga nije mogao ispuniti navedene uslove predviđenim članom 115. stav (2) Zakona o visokom obrazovanju („Službene novine Kantona Sarajevo“ br.: 33/17, 35/20, 40/20 i 39/21), odnosno članom 127. stav (2) Zakona o visokom obrazovanju („Službene novine Kantona Sarajevo“ br.: 36/22 i 28/25);
8. podatke o nagradama i priznanjima ukoliko kandidat iste posjeduje;
9. ostalu dokumentaciju (reference) kojom kandidat dokazuje da ispunjava uslove za izbor u zvanje u skladu sa članom 96. Zakona o visokom obrazovanju iz 2017. godine, a shodno članu 176. st. (1) i (2) Zakona o visokom obrazovanju („Službene novine Kantona Sarajevo”, br.: 36/22 i 28/25) i u skladu sa članom 112. Zakona o visokom obrazovanju iz 2022. godine.

Kandidat koji se prijavljuje na konkurs za izbor u akademsko zvanje, obavezan je u svojoj prijavi naznačiti akademsko zvanje i oblast za koje se prijavljuje. U suprotnom, takva prijava će se smatrati neurednom i neće biti razmatrana.

Sa izabranim kandidatom zaključit će se Ugovor o radu sa punim radnim vremenom na određeno vrijeme u skladu sa Odlukom Senata Univerziteta u Sarajevu.

Konkurs ostaje otvoren 15 dana od dana objavljivanja.

Nepotpune i neblagovremene prijave neće se uzimati u razmatranje.

Prijave sa dokazima o ispunjavanju uvjeta predviđenih konkursom dostaviti neposredno ili putem pošte na adresu: Univerzitet u Sarajevu - Veterinarski fakultet, Zmaja od Bosne 90, 71000 Sarajevo sa naznakom za Konkurs za izbor akademskog osoblja u akademsko zvanje VANREDNI PROFESOR za oblast Preventivne mjere u animalnoj proizvodnji (1 izvršilac).

Kontakt osobe: Amila Vejzagić, dipl. iur. i Dejan Arslanagić, mr. iur. - telefon 033/729-158.